















Metza'omopä anhmakyuy

María Silvia Núñez Sánchez Delfino García Villarreal













497.MZ07m	Núñez Sánchez, María Silvia
M972G	Otetza'manhwajkuyis 'yanhmayokyuy. Metza'omopä anhmakyuy / Núñez
2013	Sánchez, María Silvia; García Villarreal, Delfino. —México DF:[INALI-SEP –
	Chiapas Tuxtla Gutiérrez] 2013.
	123 pág.; 21.5 x 28 cm; il. Fotos a color.
	ISBN 978-607-7538-89-9
	Notas: incluye: gráficos de patrones silábicos y ejercicios aplicar, vocabulario,
	mapa de la zona otetzame y bibliografía.
	1. Familia-Otetzame-Zoque– 2.Gramática- 3. Vocabulario- 4. Lengua- Monolingüe

De acuerdo con el Catálogo de las lenguas indígenas nacionales: variantes lingüísticas de México con sus autodenominaciones y referencias geoestadísticas, publicado en el Diario Oficial de la Federación el 14 de enero de 2008, los textos incluidos en la presente publicación corresponden a la variante < otetzame>

Fotografía

María Silvia Núñez Sánchez Delfino García Villarreal

Primera edición 2013

Esta edición y sus características son propiedad del D.R. © 2013 INSTITUTO NACIONAL DE LENGUAS INDÍGENAS Privada de Relox 16-A, 5° Piso, Col. Chimalistac, Deleg. Álvaro Obregón, México, D.F., C.P. 01070 Tel. (55) 50 04 21 00 www.inali.gob.mx

ISBN 978-607-7538-89-9

Esta edición y sus características son propiedad de la D.R. © 2013 SECRETARÍA DE EDUCACIÓN
Edificio "B" de la Unidad Administrativa,
Calzada a la Ciudad Deportiva S/N;
Tuxtla Gutiérrez, Chiapas; México.

Todos los derechos reservados. Queda prohibida la reproducción total o parcial de esta obra por cualquier medio o procedimiento, comprendidos la reprografía y el tratamiento informático, la fotocopia o la grabación, sin la autorización por escrito de los titulares de los derechos de esta edición.

Ejemplar de distribución gratuita, prohibida su venta IMPRESO EN MÉXICO



SECRETARÍA DE EDUCACIÓN PÚBLICA

EMILIO CHUAYFFET CHEMOR Secretario

INSTITUTO NACIONAL DE LENGUAS INDÍGENAS

JAVIER LÓPEZ SÁNCHEZ **Director General**

ANTOLÍN CELOTE PRECIADO Director General Adjunto Académico y de Políticas Lingüísticas

FABRICIO JULIÁN GAXIOLA MORAILA Director General Adjunto de Coordinación

ARNULFO EMBRIZ OSORIO

Director de Políticas Lingüísticas

CHRISTOPHER MORALES CASTRO Subdirector de Evaluación en Materia de Lenguas Indígenas

HÉCTOR CURIEL GARCÍA SALVADOR JARAMILLO AGUILAR LIDIA ALEJANDRA DEL RÍO REYNA **Área de Publicaciones** GOBIERNO DEL ESTADO DE CHIAPAS

MANUEL VELASCO COELLO

Gobernador Constitucional del Estado de Chiapas

RICARDO A. AGUILAR GORDILLO Secretario de Educación del Estado

JOSÉ RAFAEL GUILLÉN DOMÍNGUEZ Subsecretario de Educación Federalizada

IRMA MÉNDEZ SÁNCHEZ Directora de Educación Indígena

ADOLFO LÓPEZ LÓPEZ Jefe del Departamento para el Fortalecimiento de las Lenguas Indígenas



PROYECTO:

Diseño y elaboración de gramáticas y diccionarios de las lenguas indígenas para la educación intercultural bilingüe

EDÍVORAS LÓPEZ RAMOS Coordinador General

DANIEL LÓPEZ HERNÁNDEZ Coordinador Académico

REYNOLDS MORALES VÁZQUEZ Coordinador Administrativo

RUBÉN LÓPEZ LÓPEZ Asesor Linguístico



¿Tiyante Ote'tzamanhwajku'yis 'yanhmakyuy?

Yä'ä anhmakyutyoto nyäyipä'is "Otetzamanhwajkuyis 'yanhmakyuy" tzäktäjupäte mijtzykutatam y'anhmayoye'istam ntzapntampapä'is ote, yä'omo mpatampa te ote'is tzyamanhwajkuy, jutä ntzyamjapya tise wä wa' anhmayu, wa' näjtyäyu te otetzame'is jyakyuy, te'setike tzyampa titam nyäijtu, tise wä ona ntzapntampak te ote. Yä'ä totojaye'is kyotzokpapäte te ijtkuy, te anhmakyuyoskuy wa'musu anhmaya jakyuy, tunkuy te ote'omo. Yä'ä anhmakyuyis syutmpapäte wa' myäjanhaju te otemusokyuy mumu tzaptäjpapä yä'ä nnasomotam; nämte tzyäjkupä tise tzyampa te Plan Estatal de Desarrollo 2013-2018, te Plan Nacional de Desarrollo del Gobierno Federal tesetike kyo'isyajpapä'is te wäpä anhmayokyuy mumu'ikutapä, sonekenepä tzäki'omo: ijtkuy, onkuy, anhmakyuy otekupnkuy'isnye.

Lic. Manuel Velasco Coello **Gobernador**

Anhmakyuy tzampase te anhkimpapä'is kyipsokyuy, ne' nkowi'na'isnyetam Manuel Velasco Coello, Te otetza'manhwajkuyis kyotzonhkpa tototunkuy, totojakyuy te'setike ijsanhtzyi'äpya, tyunhajkuy tzyajkpapä anhmatyäjkis, wa syutnyaju pyäjkistzyokyaju kya'e'istam nhka'e'istan, 'yotetam myusokyutyam wa yajk yosyaju 'yijtku'yomo'.

Mtro. Ricardo A. Aguilar Gordillo

Secretario de Educación

LA GRAMÁTICA DIDÁCTICA

Es un material didáctico que contiene elementos básicos gramaticales de la lengua Otetzame, que se caracteriza por una serie de ejercicios y sugerencias didácticas para conocer y comprender la estructura, clases de palabras y el orden sintácticos que se presentan en la expresión oral y escrita de la lengua. Surge como una necesidad pedagógica en la enseñanza de la lectura y escritura de las lenguas indígenas de Chiapas; mi gobierno tiene como prioridad, en congruencia con el Plan Estatal de Desarrollo 2013-2018, el Plan Nacional de Desarrollo y con organismos internacionales, lograr una educación bilingüe de calidad desde el ámbito lingüístico, pedagógico y cultural de los pueblos originarios.

Lic. Manuel Velasco Coello Gobernador

En congruencia con la política educativa del Sr. Gobernador Manuel Velasco Coello, la gramática didáctica apoya el proceso de enseñanza-aprendizaje de la lectura y escritura de la lengua indígena en los centros escolares para que los alumnos (as) fortalezcan y desarrollen su lengua valorando su cultura y les sea útil en la vida cotidiana.

Mtro. Ricardo A. Aguilar Gordillo **Secretario de Educación**



PRESENTACIÓN

En una frase memorable y tan vigente hoy como entonces, Benito Juárez señaló en 1861 que la instrucción era la primera base de la prosperidad de un pueblo. Así, con la publicación de estas gramáticas didácticas de las lenguas indígenas de Chiapas, la Secretaría de Educación Pública contribuye a garantizar el derecho de los pueblos indígenas a recibir educación de calidad en su lengua materna, en consonancia con el Artículo 2° de nuestra Carta Magna y la Ley General de los Derechos Lingüísticos de los Pueblos Indígenas.

Realizadas con la participación de maestros, académicos, hablantes de las propias lenguas indígenas y en estrecha coordinación con las autoridades educativas del Estado, estas obras, estamos seguros, contribuirán a una enseñanza más eficaz y pertinente de las lenguas originarias, favorecerán de manera importante que cada una de ellas se revalorice y se fortalezca entre alumnos, maestros y comunidad en general. Se trata así, de impulsar políticas públicas para fortalecer la enseñanza en lenguas indígenas en y desde los espacios educativos, poniendo énfasis en regiones cuyas lenguas se encuentran en riesgo de desaparición, lo cual significa un paso adelante en la consecución de un México con Educación de Calidad, como se establece en el Plan Nacional de Desarrollo 2013-2018.

El Lic. Emilio Chuayffet, Secretario de Educación Pública, ha señalado que la calidad es una cualidad que integra, entre otras, las dimensiones de equidad. Así, educación de calidad implica, entre otros aspectos, que los conocimientos que los alumnos adquieran en el aula sean significativos, que los lleven a obtener el máximo logro y que les permitan resolver los problemas que se les presenten en la vida, para lo cual, no existe nada más significativo que tomar en cuenta la propia lengua materna, con la que se aprende a reconocer y nombrar el mundo.

Nuestro país, como lo ha mencionado el Presidente de la República, Enrique Peña Nieto, demanda que la educación de calidad se convierta en una meta nacional explícita para todos los mexicanos.

Conscientes de este compromiso y responsabilidad del Gobierno Federal, el Instituto Nacional de Lenguas Indígenas (INALI) contribuye al logro de la calidad de la educación de los pueblos indígenas con la publicación de estas gramáticas en ocho lenguas indígenas nacionales del estado de Chiapas, quedando a disposición como material de apoyo a la grandiosa labor de los maestros que atienden poblaciones indígenas.

Lekuk yilel a wot'anik Que sus corazones estén siempre grandiosos

Javier López Sánchez



	PAG	
Yajk kenkuy	7	Kuyay
Yäskotoyatzi'kuy	8	Tukutujtay
Tzamtäjkäkyuy	9	Majkstujtay
Ti'omo maka yajk yosye	11	Majktumä
Tiyä mjokpa yä' yoskujinh	12	Majkustäjkay
Titam nyä'ijtu yoskuy jaye'is	13	Majktukay
Jutz tujku yä' yoskuy	14	Majkmajktaskuy
Jakyu'yanhki'mkuy	15	Yäjtay
Näyi	19	Yäjtkomajksykuy
Titamis nyäyi	27	lps ko kuyay
Tyumtzampapä'is titam	36	lps ko yäjtkotumä
Kenekotzamkuy	45	Wästäjkis ko mojsay
Menaktzampapä	53	Wästäjkis ko majktukay
Mayotyäjk	61	Tukis ko tumä
Ke'nyäyokyuy	69	Tukis ko majkstujtay
ljtyajpamäy	77	Tukis ko yäjtkometza
ljtyajusä	86	Majktasis ko tujtay
Tzäktäjkutzyame wyitnkäsi'ajpapä	96	Majktasis ko yäjtkotumä
Tzäktäjkutzyame eyapäkäsi'ajpapä	105	Mojsis ko mojsay
Nä'eya'ajoye	113	Mojsis ko majktukay
Kojtanhäyitam	120	Tujtis
Jutz tzyamyajpa e'ya'e'yapä kumku'yomo te'syetijke		
jometa'mpä onkuy		Tujtis ko tumä
Jutä tzamtäjpa ne' otetam	123	Tujtis ko tukay
Yajk yosyajupät tototuntäjk yä totojakyuyomo	124	Tujtis ko majksykuy

YAJK KENKUY

Te Dirección de Educación Indígena, te Departamento para el Fortalecimiento de las Lenguas Indígenas a través del Proyecto "Diseño y Elaboración de Gramáticas y Diccionarios de las Lenguas Indígenas para la Educación Intercultural Bilingüe" tzyäkyaju yä totojaye mij oteomo.

Yä'pä totojaye wa'te yajk yosu anhmayajpak unetam wa' tyu'nyaju, wa' jyayaju nye' 'yotetam, jä'sika wa' yajk yosyaju mumuti'omo.

Yä' totojaye manhpamij nhkyotzonhu mis yosku'yomo wa'mij isanhtzi'u usyanh'usyanh te anhmakyuy ote'omo, tzuni'omo.

Yä' yoskuy otetzame'iste 'yanhmakyuy, wa'te yajk yosu unejinhtam, te tukay, te maksykuy ame'omo nä 'yanhmayajupä, te'setike maka 'yanhmaye te kastiyatzame wa' yajk yosu mumu ijtku'yomo te metzatampä tzame.

Yä' yoskuy nkenyajupä'te te unetamis wyä'mäyajpa te anhmakyuy 'yote'omotam.

YÄSKOTOYATZI'KUY

Yäskotoyatzi'pa te Gobierno del Estado, te Secretaria de Educación, Subsecretaria de Educación Federalizada, Dirección General de Educación Indígena, nyäwä'ajyaju'anhkä, pyäjkitzyonhyaju'anhkä wa' ntzäkyaju yä' yoskuy otetzame'omo, tzuni'omo.

Te'syetike yäskotoyatzyi'yajke'tpa te anhmayoyetam *Doctor Stefano Claudio Sartorello, Maestro Raúl Gutiérrez Narváez* yospapä temä *Centro de Investigación de Estudios Superiores en Antropología Social (CIESAS - SURESTE), Maestra Sandra del Carmen Sepúlveda Gallardo* yospapä temä *Instituto Nacional de Lenguas Indígenas (INALI),* isanhtzi'yaju'anhkätzi, kotzokyaju'anhkätzi wa' tyujku yä' yoskuy.

Tzampäjkyajke'tpat yä' yuskutatzi'kuyomo te *Jefes de Zonas,* Supervisortam, Directortam, anhmayoyetam, kotzonhyaju'anhkätzi oyumät ntzäjkye yä' yoskuy.

Jinät musi ja'mpäya te jaya'unetam, yomo'unetam anhmayajpapä te'syetike mumu päntam, yomotam, tzo'yäyajpapä, konuksyajpapä, tziyaju'anhkätzi myusokyuy, pekatzamekäsi, wi'kutzäjkukyäsi, eyatampä tzamekäsi wa' tyujku yä' yoskuy.

Te'syejtijke yuskatoya tziyajpa te jyakyätyajpapä te totojaye: Sandra Luz Fonseca López, Gladis Gómez Díaz, Karla Ramírez Pérez te'syejtijke te Roxana Vila Figueroa.

TZAMTÄJKÄKYUY

Te otetza'manhwajkuy'is 'yanhmakyuy anhmayoyekutate wa' yajk yosyaju otetzamyajpapä unejinhtam te tukay, te maksykuy ame'omo nä 'yanhmayupä anhmakyutyäjkomo.

Wa' tyujku yä' yoskuy nhkäme'tzyajupäte tise tzyamyajpa eya'eyatampä ku'mkuyomo, te'syetike nämanhke'tu une'is anhmakyuyomo wa' ntzäjkisyaju juka nyäktäyajpa, te'se näwätzäkyajutzi wa' tya'nu yä' yoskuy, mumutampä'is nyäktäyaju. Yä' totojaye wa'tye yajk anhmaye unetam, te jakyuy, tu'nnhkuy, wa' sunyi ki'psanhwaju 'yotetzame.

Nyä'ijtke'tu anhmakyuy'is tzyäjkokyuy wa' tzyäkyaju unetamis, tumtumä yoskuy nyä'ijtu, tzyo'tzkuy, tise wa' tzyäkyaju, tise koyajpa, te anhmayoye'is maka myusi yajk yosa unejinhtam.

Nkomätyampatzi, yä' tototu'nnhkuy wä' oyetamte ispäkyajpa'anhkä te unetamis, yä' nyä'ijtu mumu jama kyenyajpapäti, te'jinh maka myusanh'äyi 'yote'is tzyuni'is jyakyuy.

Yä' otetza'manhwajkuyis 'yanhmakyuypyik te anhmayoye'is maka myusye tzyäjkya wä'pä yoskuy, nyäktyäyaju'anhkä te unetamis.

Wa'te musu näyosa tumtumäpä anhmakyuyis tzyäjkokyuy, wa' sunyi nyäktäyaju une'is yä' totojaye nyä'ijtu: tu'nnhkuy, jakyuy, tzäkitam. Tekutate yä'se tzä'yu:

- a) Anhmakyu'yis nyäyi.
- e) Näyi'is tzya'manhwajkuy.
- i) Ti'i sutmpa wa' anhmayaju te une'istam.
- j) Tise maka tzyäki.
- k) Anhmakyu'yis tzyäjkokyuy.
- I) Tzäki.
- m) Tzäki, jaye.
- n) Tiya muspa ntzäjkanhä.

TI'OMO MAKA YAJK YOSYE

Te otetza'manhwajkuyis 'yanhmakyuy, maka pyämitzi'u mumuti'i'omo te otetzame, maka myäjanhe te otepäntam, te tzunipäntamis tzyame wa' jana yyaju.

Te tzame makakma tzamtame ijtpa nkopako'mo, jä'saka ki'psanhwajpa, ntzampa tiyä anhjampa, tiyä sunpa, te'se nanyäkotzonhyatäjpa ntäwä'ojmotam wa'te musu yosu.

Te tzamtzamnakyujinhte anhmapyatä titam maka te yajk yose te ijtkuyomo.

Te'kotoya te anhmakyuyomo, te anhmayoye'istam te'te yoskutyam wa' myäjanhtzäkyaju te une'istam myusokyuy.

TIYÄ MJOKPA YÄ' YOSKUJINH

Te otetza'manhwajkuyis 'yanhmakyuy, syunpa wa' tyu'nyaju, wa' jyayaju sunyi te unetam nye' 'yote'omotam, te'jinh wa' 'yanhmayaju, wa' pyäjkitzyonhyaju eyatampä musokyuy te winatampä päntam'isnye te'kotoyate sunpa:

- Wa' ispäkyaju usyanh'usyanh nye' 'yotetam, te'jinh te eyatampä tzame tzyamyajpapä eyakokumkutyam.
- Te une'istam, te anhmayoye'istam wa' ispäkyaju te eya'eyatampä tzamtzamnakyujy ote'omo, te'sye mumu otepäntam, tzunipäntam'ojmo manhpatä näktätyame.

Wa' 'yanhmayaju te unetam jutz wa' myanyaju, wa' 'yanhmayaju nye' 'yotetam, ja'nte ijspäkyajpasye, makapäte 'yanhmaye wä', oye; maka myuse ti'yajkuy te'sye te tzame, tikotoya te'sye njapya.

Wa' myusä tzyamu yempeti, yempejutä wa' musä tyu'nä, jyayä, nyäktäyi nye'kä te'syejtijke eyapä'is.

TITAM NYÄ'IJTU YOSKUY JAYE'IS

Te onkuyis nyäyitam yosyajupä yä' anhmakyuyomo, tzo'tzpa te isanhtzi'kuy tyumpä onkuyjinh, te onkuyis nyäyitam mpatpa te päyitampä, te konotampä jaye'omo, te'omo ijtu te tzame nä 'yanhmayupäis wa' yajk tzäyu oye, sunyi.

ONKUYIS NYÄYITAM	METZA'OMOPÄ ANHMAKYUY		
NÄYI	✓ Päntam, kumkutya'm, kotzäjktam, mäjanä'tamis nyäyi.		
	✓ Titamis nyäyi tzyo'tzyajpapä nä'ontäkjayejinh, ontäkjayejinh.		
	✓ Tyumtzampapä'is titam.		
	✓ ljtyajpamäy		
KENEKOTZAMKUY	✓ Sonekenetampä anhjamokyuy.		
RENEROIZAIVIROI	✓ Menaktzampapä.		
MAYOTYÄJK	✓ Ma'yokyuy : Majkisen'omopä.		
KE'NYÄYOKYUY	✓ Jujtzyeti ijtpä titam.(jinte myatya'nepä		
tzäktäjkutzyame	✓ Wyintkäsi'ajpapä.		
IZAKIAJKUIZTAIVIE	 Eyapäkäsi'ajpapä, tzo'tzyajpapä ontäkjayejinh, nä'ontäkjayejinh. 		
IJTYAJUSÄ	✓ Päntam, kopäntam, titam'itam.		
NÄ'EYA'AJOYE	✓ Wiyunhsepä, ja'n wyiyunhsepäti.		

JUTZ TUJKU YÄ' YOSKUY

Ntzäkyaju'kät yä' otetza'manhwajkuyis 'yanhmakyuy tumtumjamat nhkäme'tzyaju eyapä totojaye'omo nyä'ijtupä'is musokyuy wa' musyaju tiyä nyämaka wa' sunyi, wa' 'yoye pyujtu yä' totojaye.

Mpäkyajut eyatampä musokyuy tumä otetzamekäsi, eyapä anhmakyukyäsi minyaju te musoyajpapä te INALI, te DGEI, kotzokyajupä'isäjtzi.

Nkopinhtamutä kumkutyam jutä tzyapyajpa ote wa'te nkäme'tzyaju te pekatzame konukskutya'm, te'se nhjatzyä'yajut titam myusyajpapä, titam tzyäkyajpapä.

Te tzamepäntam, yomotam, unetam, sokatamjinh tzamtzamnayaju'tzi te'jinhtam wa' musyaju ti'yä ki'psyajpa te ote'is 'yanhmakyukäsi.

Te'setike näpujtyajut sonekenetampä kene te'te tzä'yu yä' totojaye'omo.

Nkopikyajut tumä anhmakyutyäjk jutä ntzäjkisu uka nyäktäyajpa te anhma'yoyetam, te unetam, te'yi ijtke'tu te Asesor Técnico Pedagógico te Zona Escolarisnye.

JAKYU'YANHKI'MKUY

Te jakyu'yanhki'mkuyis tzyampapäte titampä jaye, titampä oye wa' njayu, jutä nyämanhpa koyajkujaye. Yä'is isanhtzi'äpya jutz wä wa'te nhjayu, wa'te ntu'nu.

Te koyajkujaye yospa wa' näktyäyu tite nä ntu'nu.

Yä'ki makat ntza'manhwajkye te jayetam tisyete ntu'npa, tisyete nhjapya.

Te njapya k:

- Te nja'yäpya makak witnti, kyujkomo, kyo'yajkuyomo, isätim yä'se: Ka'anh, ka'tzkuy, kasitäk.
- Makak metzapä nä'ontäjkjaye'is kyujkomojk, isätim yä'se: akapak, kyokenu, koke.
- 3. Nja'yäyjayajpak 'yukmäk, m, n, nh, isätim yä'se: o'mkuy, onnhkuy ye'nhkuy.

yä'se te nhjapya yä'se te ntu'npa

omkuy omguy

onnhkuy onguy

änhkuy änhguy

Te njapya n:

Te'kä'mä makak **y** ntum'onpujtpak te'e manpa **ñ** jayese, isätim yä'se:

Yä'se te njapya Yä'se te ntu'npa

nyana ñana

nyaka ñaka

nye'kä ñe'kä

Te njapya p:

Mumupä tzame'omo tzo'tzpapä yä' p jayejinh, makak 'yukmäk yä' jayetam m, n, nh, makak metzapä nä'ontäjkjaye'is kyujkomo, isätim yä'se:

Yä'se te njapya Yä'se te ntu'npa

pitzi pitzi

nämpa nämba

to'nmpa to'nmba

ka'nhmpa ka'nhmba

Te nhjapya r:

Makak witntipä jaye'omo, kyujkmä, yä'se tzyapyajpa awoyomotampä'is äjtam yajk yostampak t, isätim yä'se:

retäjk ote yati sikirinh otowe yari

ore

Te nhjapya t:

Makak witntipä jaye'omo, makyajpak 'yukmäjk **m, n, h**, makak metzapä, nä'ontäjkjaye'is kyujkomo, isätim yä'se:

Yä'se te njapya yä'se te ntu'npa

tä'ki tä'ki

tumtumä tumdumä

jä'tä jä'dä

ntata ndata

Te njapya tz:

Mumu onkuy tzo'tzpapä yä'ä nä'ontäjkjayepik, te'se te manpa, nyämakak, **m**, manpa yä' **ds** jayese, isätim yä'se:

yä'se te nhjapya yä'se te ntu'npa

tziku tziku

mtziku mdsiku

ntzäni ndsäni

Yajk yospak mäjapä jaye (mayúscula):

- a) Njanyitzäjkpak anhketipä jaye.
- e) Njanyitzäjkpak koyajpamä eyapä jaye.
- i) Pätnis nyäyi, pätnis nä'yanhkopajk.
- j) Mumu totojaye'istam nyäyi.
- k) Anhkimokyuyis nyäyi.
- I) Janyitzäjkpak.
- m) Anhki'mkutyäjkis nyäyitam
- n) Kupkuyis nyäyi, kotzäjkis nyäyi, nä'is nyäyi; isätim yä'se:

Tajtzamä, Amä, Kekpyempä, Känä'mä, Kupimä, Kuyatemä, Ojkjamä, Amatan, A'yanhmä, Sospanä'mä, Kejtzykä'mä, Popajkmä, Yoktäkmä, Pokyä'mä, Tzukinkotzäjk, Poponä'mä.



NYE'KÄPÄ NÄYI

Näyi: Tzamete nyä'yäpyapä'is päntam, kotzäktam, ku'mkutyam te'syetijke mäjanätam.

Tiyä suntampa: Wa' une'istam ispäkya te kotzäk'is, ku'mkuyis mäjanä'is nyäyitam.

Nä tzyäkyajuk te yoskujayetam une'is maka 'yanhmaye:

- Jutitampä jaye tzotzpa mäjapä jayejinh.
- Wa' ispäkya eyatampä jaye'omo.
- Tise wa' jyayu sunyi te p\u00e4ntamis, kumkuyis, kotz\u00e4ktamis te'syetijke m\u00e4jan\u00e4'tamis ny\u00e4yi.

Winanhomopä anhmakyuyis yyoskuy

Tzäkjaya te tzäki mäjapä toto'omo. Kä'anhwa'kya te unetam tiyä minpa ki'psokyu'omotam isyajpak te tzäki. Kä'anhwa'kya uka ispäkyajpa kotzäk, ku'mkuy, mäjanä, yajk tzä'pya nyäyitam.



20 Ips

Metza'omopä anhmakyuyis yyoskuy

Yajk tu'nya te kä'mäk ijtupä jaye, yajk weweneya tiyä nyäktäyajpa.

Asyupepe'



Sakäsmä'omo ijtu'na'ajk tumä yomo jene sunyipä, te'kuta te päntam jenena'ajk 'yanhsunyajpa, nimekena'ajk mye'tzyajpa. Te yomo'is ji'n 'yanhtzonhye te päntam ki'sykayaju, mye'tzyaju tumä yatzipä pät wa' tyäkä'äyu. Jiksäk te yomo ka'epa'tu, pyutjayu jetzeka'kuy wyinkäsi, nimeke mäsyku'aju yomo'is wyin, jäsi'ka te yomo nyäjayu jyaya: ja'nanhwä ijtpa yä'ki, yä' ka'kupik ji'nam musi mpujtu.

Jyaya'is nyämaku ya'ay kotzäkä'mä, ämä maku ijtye, te'yi jin' itänämä näpyajpa tey ijtukyaju, pänajyaju 'yunetam, te'se ijttzyo'tzyaju tey kotzäkä'mä. Te yomo'is nyäyi Asuncion, jyaya'is nyäyi Jose te'kutante te kotzäk nyäjayajpa Asyupepe'.

Sra. Paulina Juárez Mancilla de la comunidad de San Vicente Mpio, de Copainalá.

Tukayomopä anhmakyuyis yyoskuy

- Yajk tzamya te unetam tiyä nyäktäyaju te tyu'nyajupä tzame'omo.
- Yajk tzamya juka ispäkyajpa eyatampä näyi, kotzäkisnye', ku'mkuyisnye te'syetijke päntamisnye.
- Mäjapä totokäsi jayä te näyi tzyamyajpapä te uneistam jäsi'ka yajk tu'nya.
- Tza'manhwajkjaya sunyi tikotoya näjatäjpa näyi, mäjapä jayejinhte tzo'tzpa te jyakyuy.
- Yajk tu'mäya te unetam maksykumaksykutyam, tzi'ya mäjapä toto wa' jyayaju te'käsi sonekenetampä näyi te'syetijke te'jinh yajk tzäkya päyitampä jaye.
- Yajk ne'ksya no'tzekäsi 'yyoskutyam, wa' musu tyu'nya.
- Muspa yajk tzäkya eyapä kotzäjkis u ku'mkuyis tzyame myusyajpapä.

Majksykuyomopä anhmakyuyis yyoskuy

Tzäkä mäjapä toto'käsi yä'syetampä tzäki, yajk ketnya oyek te unetam. Tzamjaya wa' kyokipsjayaju tzäki'istam nyäyi te'syetijke yajk tzäjkya päyitampä jaye.

Muspa kyojtjaya kyumkuyomopä ijtupä näyi.










Mojsayomopä anhmakyuyis yyoskuy

Yajk tzamtzamnaya tiyä isyajpa, jäsi'ka yajk tzäkya tumä tzame, yajk tu'nya, tyäwä'omotam.



Tujtayomopä anhmakyuyis yyoskuy

Jayja mäjapä toto'käsi kä'mäk ijtupä jayetam te'syetijke tzamja te unetam wa' 'yanhtzonhyaju tiyä mkyä'anhwakpa te jaye'is.

Jayä tukay kotzäjkistam nyäyi	
· · · · · · · · · · · · · · · · · · ·	
Jayä tukay ku'mkuyis nyäyi	
· · · · · · · · · · · · · · · · · · ·	
Jayä tukay mäjanä'tamis nyäyi	
· · · · · · · · · · · · · · · · · · ·	
Jayä mis ntäwä'istam nyäyi	

Näyi: Tzamete nyä'yäpyapä'is päntam, ku'mkutyam, kotzäktam.

Tiyä muspa ntzäjkanhä:

- Eyatampä jaye'omo yajk me'tzya eyatampä näyi.
- Yajk tzäkya päyitampä jaye te näyijinh.
- Yajk mäjtzäya, te'omo yajk tzamya eya'eyatampä näyitam.
- Yajk kä'anhwa'kya tyäjkomo eyatampä näyi, yajk weweneya tyäwäjinhtam.

TITAMIS NYÄYI

Titamis nyäyi: Tzamete tzyamjapyapä'is mumutitamis nyäyi.

Tiyä suntampa: Wa' 'yanhmayu, musu yajk yosa te nä'ontäkjayejinhpä näyi te'syetike te ontäkjayejinhpä näyi.


Nä tzyäjkuk te yoskujayetam une'is maka 'yanhmaye:

- Jutz wa' jyayu oye te titamis nyäyi tzotzpak nä'ontäkjayejinhpä, ontäkjayejinhpä.
- Tise yajk yospa te ontantäjk te'syetijke nä'ontantäjk titamis nyäyijinh.
- Tipä jaye nyäma'nhanhäpya te näyi nye'ajyajpak yempeti.
- Ispäjku yempejutipä jaye'omo tesepä näyitam.

Winanhomopä anhmakyuyis yyoskuy

Tzäkja mäjapä toto'omo te kä'mäk ijtupäse tzäki wa' 'yisyaju te unetam, jäsi'ka yajk tzamya tiyä kyenyajpa te'syetijke jutz nyäktäyajpa.

Yajk tzapya ti'i nyä'ijtyaju kyopakomo, wyinkäsi, yajk jaya ti'i kyetkospa'tyajpa.



Metza'omopä anhmakyuyis yyoskuy

Te mäjapätoto'omo nyä'ijtupä'is tzäki a'nhäyja te jyaye wa' musu tyu'nyaju te unetamis.

Yajk tu'nya te unetam, jäsi'ka yajk tzamtzamnaya tise nyäktäyajpa.

Äjn ku'mkuyis syänh





Äjn ku'mkuyis syänh, tumtumä ame tzyäkyajpa, sunyi kyotzäkyajpa, minyajpa päntam, yomotam eyapä ku'mkutyam, yämäk temäk ijtpa sonekenetampä ma'a mya'äyajpa pama, kä'ajk, nu'skuy, ko'tak te'syejtijke sonekenetampä ku'tkuy; nimeke nyäminyajpa mätzik ma'a, äjt nhke'pat ntatajkäsi wa'tzi juyjayu tumä tulupu. Te masantäjkomo konuksyajpa, wanyajpa te'syetijke jäsi'ka pujtyajpa tzinhtzinhnayu tzamtzamnayajpa anhkomo.

Tukayomopä anhmakyuyis yyoskuy


- Kä'anhwa'kya te unetam tiyä nyäktäyaju te tu'nkuyisnye.
- Yajk tzamya juka te jaye'omo ijtu titamis nyäyitam.
- Yajk tzamya titamis nyäyi kyenyajpapä ijtyajumä te'syetijke jayä mäjapä totokäsi.
- Te'jinh yajk tzäkya eyatampä yoskujaye, jutä yajk kejyajpa iwä'stenye' tumtumä tiyä.
- Muspa m'näjayu te unetam, wa' kyä'anhwa'kyaju tyatajinh ijtpak säk titampä ma'a ijtpa tey wa' jyayaju tyotojayekäsi.
- Jäsi'ka ijtu tumä yoskujaye tise wa' tzyäkyaju te eyatampä titamis nyäyitam kyone'atyäjpak.

Tise tukyajpa te titamis nyäyi. (tzyampapä'is iwä'stenye') Isätim yä'se. Kena ti kojtanhäyjapya.

	nä'ontäk	jayejinh	
äjn	n'ane	äs	n'ane
mijm	m'ane	mis	m'ane
te'is	yane	nye'	'yane
äjn	n'aneyumu	ästam	n'ane
äjn	n'anetam	tätam	n'ane
mijm	m'anetam	mistam	m'ane
te'is	yaneyumu	nye'tam	'yane
	ontäkjay	ejinh	
/äin r			ntäk
	ontäkjay ntäjk mtäjk	ejinh äs mis	ntäk mtäk
mijm r	ntäjk	äs	
mijm r te'is t	ntäjk mtäjk	äs mis	mtäk
mijm r te'is t äjn n	ntäjk ntäjk yäjk	äs mis nye'	mtäk tyäk
mijm r te'is t äjn n äjn r	ntäjk mtäjk yäjk täjkyumu	äs mis nye' tästam	mtäk tyäk ntäk

Majksykuyomopä anhmakyuyis yyoskuy

Yajk tzäkya nä'ontäkjayejinhpä titamis nyäyi.




Yajk tzäkya ontäjkjayejinhpä titamis nyäyi.

Tuwi

	Pokstäjk	
		······································
2		
(-		
0		

Mosayomopä anhmakyuyis yyoskuy

Yajk tzäkya päyitampä jaye, jutä yajk kejyajpa nä'ontäkjaye te'syetijke ontäkjaye te titamis nyäyi'omo.



Titamis nyäyi: Tzamete nyä'yäpyapä'is titam muspatä anhäyjayu eyapä jaye wa'tä musu iwä'istenye' yempeti.

Tiyä muspa ntzäjkanhä:

- Mäjtzäkyuyomo muspa yajk kejyaju jutz tujkpa te näyitam nä'ontäkjayejinh te'syetike ontantäkjayejinh.
- Muspa nämaku te unetam tumä täjkomo wa' isyaju titam yospapä ntäkomo te'syetijke yajk jatzyäya tyotojayekäsi.
- Te'jinh musketpati tzäkya eya'eyatampä yoskujaye.
- Tzamanhwaja sunyi jutz wa' tzyäkyaju te yoskuy wa' nyäktäyaju.
- Yajk tzäkya sonekenetampä yoskujaye tyotojayekäsitam wa' yajk tzä'yaju kipsokyuyomo.
- Tumtumä une muspa kyätäjku wi'na'nhoy wa' tzya'manhwaju jutz tzyampa, wa' myanyaju eyatampä tyäwä, juka ijtu eyatzyampapä'is yajk tzyamke'ta wa' mumu 'yanhmayaju.

TYUMTZAMPAPÄ'IS TITAM

Tyumtzampapä'is titam: Tzamete, tumänyä'yäpyapä'is mätzyäki ijtyajupä titam.

Tiyä suntampa: Wa' ispäkya wyi'nanh'omopä kojtanh'äpyapä tyumtzampapä titamisnye' te'syetijke jutä nyämaka te jaye'omo.

Nä tzyäjkuk te yoskuyjayetam une'is maka 'yanhmaye:

- Jutä maka yajk yose te tyumtzampapä'is titam.
- Wa' ispäjkya eyapä jaye'omotam.
- Wa' musu jujtzyek, jutä yospa.
- Jutitamte tyumtzampapä'is titam, jutitamte te sone'ajyajpapä.

Winanhomopä anhmakyuyis yyoskuy

Tzäkjaya tzäki yä'ki ijtusepä mäjapä toto'omo wa' kyo'syaju unetam, yajk tzamtzamnaya tiyä kyenyajpa tzäki'omo.

Känhwa'kya ti nipise ketpa te tzäki, uka isyaju'a te'se tzäktäkpapä nipi.



Metza'omopä anhmakyuyis yyoskuy

Yajk tu'nya unetamis te jaye, jäsika yajk tzamanhwajkya tise nyäktyäyajpa.

Te nipi



Atzi Roberto'is nyä'ijtu mä'tzyäki nas, nye'kä ji'na musi yosa te'kuta 'yunetamte yosyajpa, tzyäkyapa mojkama, säjkama te'syetijke eyatampäti wa' nyäpujtyaju kyu'tkuy.

Tey ijtyajke'tu kajweltäjk, nhkini'atäjk, ku'yutäjk, tzyäjkyajketpa niwitäjk, koyatäjk, apitpasunhtäjk te'syetike eyatampäti. Mumujama te yomotam, sa'yajpa namtzu wa' tzyäkyaju ane, waye wa' nyämakyaju te yosyajpapä.

Tukayomopä anhmakyuyis yyoskuy

- Yajk tzapya uka tyunkospa'täyaju tzame tzyampapä'is mätzyäkipä ti'iyä.
- Tza'manhwajkjaya te unetam tikotoya nyäjayajpa tyumtzampapä'is titam.
- Yajk isya unetam yempetipä nipi, yajk tzamya jutz nyä'yäyajpa.
- Yajk jaya unetam tyotojayekäsi jutz nyäyäyajpa ijtumäy mätzyäki yempetipä nipi.
- Jäsi'ka te'jinh yajk tzäkya eyatampä yoskuy jaye.

Majksykuyomopä anhmakyuyis yyoskuy

Yajk kenya yempetipä nipi u tzäkitam ijtyajusye yä'ki, yajk tzamya jutz nyä'yäyajpa te'syetijke te'pik yajk tzäkya päyitampä jaye.



Mojsayomopä anhmakyuyis yyoskuy


Mäjapä toto'omo muspamij japyujtu yäsepä yoskujaye ijtupä yä'ki u wa' jyayaju yempeti'is nyäyi kye'pase tumtumä nenhekäsi.

tyumpä	sonepä	tyumtzampapä'istitam
Kajwel	Kajweltam	Kajweltäjk
		-

Tujtayomopä anhmakyuyis yyoskuy

Yajk kopikya unetamis te näyi tyumtzampapä'is titam, te'pik yajk tzäkya päyipä jayetam.





Kuyayomopä anhmakyuyis yyoskuy

Yajk tu'mäya nhka'etam tukatukay, yajk weweneya te tyumtzampapä'is titam te'syetijke yajk jaya tumä peka tzame u tumä wane yajyosyajpamä te'setampä tzame.

6		
6		:
6		
CCCCCCCCCCCC	=	
6		
6		
60		
<u></u>		
60		
5		
60		

Tyumtzampapä'lis titam: Tumnyä'yäpyapä'lis mä'tzyäkitampäti, muspa tzapu nipi, tza', mote te'syetijke eyatampäti.

Tiyä muspa ntzäjkanhä:

- Yajk kopikya eyatampä jaye'omo te näyi ntyumtzamyajpapä.
- Yajk ispäkä te jaye tyumtzampapä'is titam te'syetijke te soneajkupyä.
- Yajk yosa päyitampä jaye'omo.
- Tza'manhwajkjaya te unetam tipä jaye nyämaka te tyumtzampapä'is titam.
- Yajk tzamtzamnaya uka nyä'ijtyaju nyipi, yajk tzamya jutz nyäjayajpa tumtumä kene.

KENEKOTZAMKUY

Kenekotzamkuy: Onkutye nyätunh'ajpapä'is te näyitam, tzya'manhwajpa tise u jutz tumtumäti.

Tiyä suntampa: Wa' ispäkya une'is te kenekotzamkuy, tzyampapä'is anhjamo'kyuy yä'setampä tzame, tzinhtzinhnakyuy, kisyka'kuy, yatzi'ajkuy, maya'kuy, wä'ajkuy, sunyi'ajkuy te'syetijke mäsyku'yajkuy.

Nä tzyäjkuk te yoskujayetam une'is maka 'yanhmaye:

- Wa' tzyamu, yajk yosu yempejutä te sonekenetampä anhjamokyuy.
- Wa' tzyäjku e'yae'yatampä jaye jutä nyämaka te sonekenetampä anhjamokyuy.
- Wa' ispäjku te sonekenetampä anhjamokyuy yempetipä jaye'omo te'syetijke tzamtzamnakyuyomo.

Winanhomopä anhmakyuyis yyoskuy

Tzäkä mäjapä totokäsi tumä tzäki kä'mäksye ijtupä, yajk kenya te unetam, kä'anhwa'kya ti'i minpa kyi'psokyuyomo kyenyajpak yä'setampä tzäki.

Kä'anhwa'kya tise kyetnyajpa une'is wyinojpajktam te tu'mtumä tzäki'omopä, tikutam te'se ketnyajpa.







Metza'omopä anhmakyuyis yyoskuy

Mäjapä totokäsi jayja te tzäki'is jyaye te'syetijke yajk tu'nya te unetam.

Äjn anhmakyutyäwätam



Äjn anhmakyutyäjkomo nä'ijtu'äj sone äjn ntäwätam, wenetampä sunyi tzinhtzinhnayu ijtyajpa, te'sye yosyajpa, ijtyaju eyatampä, sunyitampä'is 'yijtkuy oyetampä tzyokoy, nanyäkotzonhyatäjpa tyäwä'omotam te'setijke eyatampä yatzitampä, nimeke kisykayajpapä. Nämpa äs ntata jinte wa' nyätumpajkyaju te tyäwätam, uka nätumpajkajpa mäjanhajpa te kijpkuy, te'se jane 'yoye.

Tekotoyante aj jan kipi te anhmakyutyäjkomo wa' sunyi ijtu.

Tukayomopä anhmakyuyis yyoskuy

Yajk tzamya te unetam tiyä nyäktäyaju te tu'nkuyisnye.

Kä'anhwa'kya tiyä anhjamokyuy nyä'ijtyaju tumtumä:

- Yajk tu'mäya unetam tukatukatyam, tzi'ya popotampä toto te'syetijke te'käsi yajk jaya tise anhjamyajpa.
- Yajk ne'ksya no'tzekäsi jyayetam wa' musu tyu'nya, te'pik yajk tzäkya päyitampä jaye tyotojayekäsi.
- Yajk tu'nä tumtumä une'is yoskuy, yajk tzamwitu'ä jutä tzä'pya te jaye sonekenepä anhjamokyuy.
- Yajk kätäkya tyäwä'is winanhomo, me'tza tuma nhka'e u yomo'une wa' tzya'mtzamnayaju te'syetijke te'omo yajk kejyaju te sonekenetampä anhjamokyuy.
- Te eyatampä tyäwä'is myanyajpa te'syetijke jya'tzyäyajpa tyotojayekäsi te anhjamkyutzame.


Majksykuyomopä anhmakyuyis yyoskuy

Muspa yajk tzäkya yä'syejpä yoskuy. Yajk ta'nya te päyipä jayetam, kä'yi ijtyajupä jayepik.

AVVVVVVVVVVVVVVVVVVVVVVVVVVVVVVVVVVVVVV	***************************************
	tzyuwe.
-	yomo'une.
	nhka'e.
	pän.
	papinyomo.
yatzipä	kisyka'upä tzinhtzinhnayupä
oyepä	wäpä maya'upä

Mojsayomopä anhmakyuyis yyoskuy

Muspa yajk tzäkya tzyampase yä'ki u eyatampä kene. Yajk jayä une'istam te sonekenetampä anhjamokyuy.



Tujtayomopä anhmakyuyis yyoskuy

Muspa yajk tzäkya yä'sepä jaye u eyakenepä. Yajk tzamya tise kyenyajpa te tzäki te'syetijke yajk tzäkya jyaye tumtumäpä'is nye'.





Kenekotzamkuy: Anhjamkutye, nhki'psokyuyomo, tzokoyomo pujtpapä, te'te kejpa ijtkuyomo; tzinhtzinhnakyuy, kisyka'kuy, yatzi'ajkuy, oye'ajkuy, maya'kuy te'syetijke eyatampä.

Tiyä muspa ntzäjk'anhä:

- Yajk kä'anhwakya tyäjkmä yä'setampä tzame wa' jyayaju tyotojayekäsi.
- Yajk tu'mya unetam tuka'tuka'tyam, yajk tzamtzamnaya wa' yajk isyaju tyäwä, te sonekenetampä ijtkuy u anhjamkuy.
- Yajk tzäkya eya'eyatampä kene, muspamij ntzäkme'tza jutz wa' nyä'ktäyaju oye.
- Yajk tzamya tumtumä unetam jutz anhjamyajpa wyin'ojmotam te sonekenetampä anhjamokyuy.

MENAKTZAMPAPÄ

Menaktzampapä: Kenekotzamkutye tzawitupapä, tzyampapä'is kujkanhomopä kene.

Tiyä suntampa: Wa' te une ispäjku te kujkanhtzampapäti te'syetijke te'te menaktzampapä.

Nä tzyäjkuk te yoskujayetam une'is maka myusi:

- Yajk yosa oyek te menaktzampapä jaye'omo, tzamtzamnakyuyomo.
- Ispäkya pya'tpak yempetipä jaye'omo.
- Tzamtzamnapyak maka myusä oyek jutä yajk yospa te menaktzampapä.
- Titamte nä'yäpya te'se.

Winanhomopä anhmakyuyis yyoskuy

Mäjapä toto'omo yajk kenya nhka'etam, kä'yi ijtupä kene. Kä'nhwa'kya ti nä tzyäkyaju tumtumä une'is. Jujtzam najapya nä tzyäjkupäti kujkanhtzame'omo.



Metza'omopä anhmakyuyis yyoskuy

Yajk tu'nya te tzame, jäsi'ka yajk tzamya tiyä nyäktäyaju.



Te käpyayajpapä

Pu'tpaktä anhmakyutyäjkomo ntu'mätyampatä me'tztukay ntäwätam, manhpatä nhkäpya'e, ä'mäjka me'tztampatä täm, ntuktampatä pu'tzyäpu'tzyätampä tzyina, tzikintzikinpä nhkinia, ijtpak mpinhke'tpatä mäjamäjatampä nantzin jäsi'ka manhpatä nhjajku nhkäpi konokonotampä, ijtpa iwä'is jyakpa päyipäyitampä, äjn ntäwä tzanhkatzanhkapä, tzyämpa kyäpi te'syetijke tyäm, jene jemetz'ajpa.

Te'se witutampatä ntäjkomotam, te Jamapijkä'is yajk tzapas'tzapas'ajpa tä win.

Tukayomopä anhmakyuyis yyoskuy

Muspa mij yajk tzäkya yä'syetampä yoskuy:

- Kä'anhwakya unetam tiyä nyäktäyaju te tu'nkuyisnye.
- Yajk tzamya titam myanyaju te'syetijke jayä mäjapä totokäsi.
- Yajk weweneya nhka'etam kenekotzamkukyäsi te'syetijke yajk tzamya jutipä tzame muspatä menaktzamu.
- Yajk tu'mya unetam mosamosa'tyam, yajk tzamtzamnaya jutä yajk yosyajpa yä' kenekotzamkuyis wye'nyan, jäsi'ka yajk tzäkya tumä tzame u tumä wane jutä yajk yosyajpa te menaktzampapä totojayekäsi.
- Uka tzyäkyajpa wane yajk tu'nya, jäsi'ka yajk wanya.
- Tza'manhwakya sunyi jutä yospa te menaktzampapä.

Majksykuyomopä anhmakyuyis yyoskuy

Muspa ntzäkjaya mäjapä toto'omo yäsetampä tzäki te'syetijke jäsi'ka yajk tzäkya tzäki'istam jyaye.








Mojsayomopä anhmakyuyis yyoskuy

Yajk tzäkya tumä tzame nyämakapä'is te menaktzampapä.



Tujtayomopä anhmakyuyis yyoskuy

Muspamij yajk tzäkya yä'syetampä jaye u eyakenepä. Yajk ta'nya te päyitampä jaye menaktzamepik.

-	0
	yomo'is tyeksi.
	papinyomo'is wyajy.
; ;	_ une'is nyoki.
	_ tzyuwe'is 'yasa.
	_ nana'is kyo'tak.

Menaktzampapä: Onkutye nyätunh'ajpapä'is te' näyitam te'syetijke tzya'manhwajpa tise u jutz tumtumäti.

Tiyä muspa ntzäjkanhä:

- Mäjtzäkyuy'omo, wane'omo te'syetijke tzamtzamnakyuy'omo muspa 'yanhmaya'nhäyaju te menaktzampapä.
- Yajk kä'anhwa'kya tyäjk'omo te tzametam menaktzamyajpapä te'syetijke tejinh yajk tzäkya sonekenetampä jaye.
- ☐ Tzäkme'tza jutz wa' nyäktäyaju oye unetam te menaktzampapä tzame.

60 Tukis

MAYOTYÄJK

Mayotyäjk: Jayete tzyampapä'is tumtumätampä ma'yokyuyis nyäyi.

Tiyä suntampa: Wa' une'istam ispäkyä, myusyä yajk yosa jaye'omo te'syetijke wewenekyuyomo te ma'yokyuy'is nyäyitam.

Nä tzyäjkuk te yoskujayetam une'is maka 'yanhmaye:

- Tise matyampa te'syetijke jutzte njapya.
- Yajk yose ma'yokyuyis nyäyi mumutipä jaye'omo.
- Maka musi jyayjaya mä'tzyä'kitampä ma'yokyuyis nyäyitam.
- Ispäjkye yempetipä jaye'omo te ma'yokyuyis nyäyitam.

Wi'nanhomopä anhmakyuyis yyoskuy

Yajk isya unetamis te tzäki te'syetijke yajk tzamya jujtzye ijtu.



Metza'omopä anhmakyuyis yyoskuy

Yajk tu'mäya tukatukatyam, yajk tu'nya te totojaye kä'yi ijtupä, jäsi'ka yajk tza'manhwajkya ti'i nyäktyäyajpa.



Matyame titam

Te anhmakyutyäjkomo, anhmayoye'is nä isanhtzi'u mayokyuyis nyäyitam, Te'kotoya wya'kpa wa'tä nämanhtamu säjk, äksi, na'kapasunhpuj u namatampä tza' wa' musu matyame. Tä'äk tzyajku yoskuy wa'tä ntzäjku ntäkomotam, te'se tzyamu; te'setijke matyame titam ijtu mis ntäkomotam, jatyame nyäyi mis ntotojayekäsi äj mayu'äj äs nana'is pyänäkyutyam, ta'nu wästäjkiskomak, te'setijke äs muki'is myätzik nyä'ijtu yäjtay. Te'sye tzyäkyaju mumu äs ntäwätam myayaju eya'eyatampäti te'syetijke jyayaju tyotojayekäsi.

Te anhmayoye'is jyayu mäjapätotokäsi te mayokyu'is nyäyitam, mumu'omo ntu'ntamutäj, ntzäktamutäj eyatam'pä jaye jutä yajk yospatä te mayokyuyis nyäyi. Te anhmayoye'is kyäme'tzpa titam wa'tä anhmayu, tzyäkpa mäjtzäkyuy, wankuy, eyatampäti te'se anhmapyatä tu'mtum jama jometampäti.


Tukayomopä anhmakyuyis yyoskuy

- Kä'anhwa'kya te unetam tiyä nyäktyäyaju te tu'nnhkuyomo.
- Yajk tzapya titampä ma'yokyuy myanyaju te tu'nnhkuyomo.
- Yajk käji'päya te ma'yokyutya'm pya'tyajupä tu'nnhkuyomo.
- Yajk japyujtya te ma'yokyuyis nyäyitam mäjapä toto'omo.
- Yajk tzäjkya päyitampä jaye te jyapyujtyajupä tzamepik.
- Uka myusanhäyajpa te mayokyuyis nyäyi yajk jaya tyotojatyäkäsi te'syetijke yajk tu'nya.

Majksykuyomopä anhmakyuyis yyoskuy

Te unetam muspa nyämanhyaju, säjk, äksi u eyatampäti wa' myayaju, yajk mäjtzäya wa' tey tzyamyaju mayokyuy te'syetijke yajk jaya mäjapä toto'omo. Jäsi'ka yajk ja'tzyä'ya tyotojayekäsi, te'tampä jayepik yajk tzäkya mäjatampä jaye.

Tzamjaya unetam wa' jyayaju mayokyuyis nyäyi myusyajpase'nhomo.



Mojsayomopä anhmakyuyis yyoskuy -

Muspa mtzäjkja yäsetampä tzäki wa' myayaju une'is te'syetijke jyayjayaju mayokyuyis nyäyitam.









Tujtayomopä anhmakyuyis yyoskuy

Muspa yajk tzäkya une'is yä'syejtampä yoskuy. Tzamjaya te unetam wa' tzyäjkta'nyaju te ma'yokyuy myusyapase'nhomo.

#			ŧ
ı	Majkay	ips	
ı	lps ko majkay	wästäjkis	
ı	Wästäjkis ko majkay	tukis	
ı	Tukis ko majkay	majktasis	
ı	Majktasis ko majkayay	mojsis	
┇			ļ

Mayotyäjk: Jayete tzyamjapyapä'is tumtumätampä ma'yokyuyis nyäyitam.

Tiyä muspa ntzäjk'anhä:

- Yajk kä'anhwa'kya tzamepäntamjinh tise ma'yoyajpa mumuti'omo.
- Yajk tzäjkya mäjtzäkyutyam wa' musu 'yanhmaya te ma'yokyuyis nyäyitam.
- Yajk jaya mäjapätotokäsi te ma'yokyuyis nyäyitam te'syetijke yajk ne'ksäya no'tzekäsi wa' tyu'nyaju.
- Yajk maya titam pyatyajpa wa' yanhmayaju te mayotyäjk.
- Tzäkä eyakenetampä isanhtzi'äkyuy wa' 'yanhmayaju sunyi te mayokyuyis nyäyitam.

KENYÄYOKYUY

Ke'nyäyokyuy: Onkutye tzyampapä'is jujtzyeti ijtyaju titam. Muspatä nhko'tjakye'ta **tam**, **pä** tzyampapä'is kenekotzamkuy.

Tiyä suntampa: Wa' ispäkya, 'yanhmaya unetam jutz te'syetijke jutä yajk yospa te ke'nyäyokyuy.

Nä tzyäjkuk te yoskujayetam une'is maka 'yanhmaye:

- Jutz wa' yajk yosu te ke'nyäyokyuy yempetipä jaye'omo te'syetijke tzamtzamnakyuyomo.
- Wa' nyäktäyu pya'tpak yempetipä jaye'omo te'syetijke myanpak yempejutä.
- Wa' myusu te eya'eyatampä tzamtzamnakyuy myanpak tyäwä'jinhtam.


Wi'nanhomopä anhmakyuyis yyoskuy

Yajk isya unetam mäjapä totokäsi kä'mäk ijtusepä tzäki.



Metza'omopä anhmakyuyis yyoskuy

Te mojktzijkuy



Nämyajpa te tzamupäntam ke wi'na jene oyekmaj te nas, sunyi tä'majpana'ajk mojknipi, nyäpujtyajpa'inäk mä'tzyäki mojk, nipyajpak kyosänhajyajpa'inäk, te'syetijke nyäpujtyajpak te mojk sone päntam manhyajpa'inäk wa' manhu nyäputpä'yaju te mä'tzyäkipä mojk.

Te'setike täjkomo, sone yomotam pi'koyajpa'inäk, tzyäkyajpa wäwä wi'kuy, anhpa'te ane, wa' 'yukyaju wituyajpak mumu päntam, ukyaju'ka syajyajke'tpa usyanh tzoy te'sye kyosänhajyajpa'inäk te mojktzijkuy yäti, ji'nante jene tyä'majtame te mojk te'syetijke eyatampä nipi.

Tukayomopä anhmakyuyis yyoskuy

- Yajk wewenäya nye'kä'ojmotam jutz nyäktäyajpa te tzame.
- Juka wiyunhsete, uka te'se tujkpa yäti.
- Yajk tzamya tiyä nipi tzyäkyajpa tyata'istam.
- Jayä mäjapä toto'omo te tzame ke'nyäyokyuyisnye tzyamyajpapä te unetam.
- Tza'manhwajaya unetam tikotoya te tzametam nyäjayajpa ke'nyäyokyuy, jutzte yajk yospa te otetzame'omo.
- Yajk tzamtzamnaya tyäwäjinhtam jutä yäjk yosyajpa te ke'nyäyokyuy tzame.
- Yajk tzäkya tyotojayekäsi päyitampä jaye nyämakamä ke'nyäyokyuy jayetzame.
- Yajk tu'nya te yoskuy jaye.

Majksykuyomopä anhmakyuyis yyoskuy

Muspa ntzäjku yä'syejtampä jaye, mäjapä toto'omo. Yajk kena te tzäkitam ja'sika yajk tzäkja päyitampä jaye.










Mojsayomopä anhmakyuyis yyoskuy

Muspa yajk tzäkya wane u eyapä jayetam nyämakapäis kenyäyokyuy, jäsika yajk tu'nya, yajk tzä'manhwa, ju'titampä tzame ke'nyäyokyutyamte.



Tujtayomopä anhmakyuyis yyoskuy

Yajk ta'nya te päyitampä jaye, kä'yi ijtupä jayejinh.

Yomo'is tyujku	kajwel.
ijtyaju	päntam.
	ja' nyu'kya tu'mku.
	nhka'etam mäjtzäyajpa
	poksyajpa.
Äkjatzi	The second secon
STATION STATES	
wene'nhomo	usyä'k wäwä
wene	etampä sonetampä n
usyanh	sonetampä n

Tukis ko yäjt

Ke'nyäyokyuy: Onkutye yospapä wa'te musu jujtzyeti ijtpa titam ji'nte muspäyianhkä tya'nkukyäsi.

Tiyä muspa ntzäjkanhä:

- Yajk mäjtzäya te nhka'etam, te'omo yajk anhmaya te ke'nyäyokyuy.
- Yajk tu'mäya metz'metza une, yajk tzamtzamnaya jutitampä onkuy ke'nyäyokyutyamte.
- Yajk kä'anhwa'kya tyatajtam u tzamepäntamjinh te onkutyam tzamyajpapä ke'nyäyokyuy.
- Yajk tzäkya tyotojayekäsitam wane u tzame jutä yajk yosyajpa te ke'nyäyokyutzyame.
- Yajk tu'nya te jyayajupä wane u tzame.

IJTYAJPAMÄY

ljtyajpamäy: Onkutyamte tzyamyajpapä'is jutä ijtyajpa mumuti.

Tiyä suntampa: Wa' ispäkya, myusya te onkutyam tzyamyajpapä'is jutä ijtyajpa titam.

Nä tzyäkyajuk te yoskujayetam une'istam maka 'yanhmaye:

- Te onkutya'm tzyamyajpapä'is jutä ijtyajpa mumuti.
- Jutz wa' yajk yosyaju jaye'omo.
- Manhpa 'y'jispäjkya yempetipä jaye'omo te'syetijke wewenekyuy'omo, te tzametam jutä ijtyajpa mumuti.

Winanhomopä anhmakyuyis yyoskuy

Muspa ntzäkya yä'setampä tzäki mäjapä toto'omo wa' kyenyaju te unetam jäsika yajk tzamya ti'i nyäktäyajpa.



Metza'omopä anhmakyuyis yyoskuy

Mäjapä toto'omo jayja yä'ki ijtupä tzame wa' musu tyu'nya te unetam.





Äjn ntäjk tzye'päte, jene sunyi, anhkomo, setzekäsi ijtu sunyitampä jäyä sonekenetampä, täjk'omo ijtu tumä mesya, mesyakäsi äs nana kyo'tpa tyitam.

Täjkis wyinanh'omo ijtu tumä mäjanä', nhka'etam tey tzinhyajpa, nä'kä'mä ijtu anhpa'te punu, itpak wäwä nyäpujtyajpa te nhka'etam. Mäjanä'is tzye'nhna itke'tu tumä mäja kotzäk tey wanakyajpa wakas nä'aka'omo wa' tyo'nhyaju nä', sapäkyajpa kotzäkkä'mä.

Tukayomopä anhmakyuyis yyoskuy

- kä'anhwakya unetam tiyä nyäktäyajpa te tu'nkuyis.
- Yajk tu'mä'ya maksykuy u mosay unetam te'syetijke yajk tzamtzamna tiyä nyäktäyajpa te jaye'is.
- Yajk tzamya ti ijtu nye'tam tyäjktam.
- Kä'anhwakya juka nyä'ktäyaju jutä ijtyaju te onkutyam tzyamyajpapä'is jutä ijtyajpa titam.
- Tzyamyaju'ka te onkutyam yajk tzamya jutä yosanhäpya.
- Nämawä unetam tumä täjkomo wa manhu isyaju jutä ijtyaju titam yajk kenya oyek, wituyaju'ka yajk tzamya, yajk jaya tyotojayekäsitam.
- Mäjtzäkyuyomo yajk tzäkya, yajk tzamya jutiwä ijtu kä'mäk, käsmäk, ukmäk, wina'nh'omo te'syetijke ku'kmäk.

Majksykuyomopä anhmakyuyis yyoskuy	
Tzamja	unetam wa' jyayaju tumä tzame. Yajk tzäkya tyotojayekäsi.
I	
(A)	9(0,0)(0,0)(0,0)(0,0)(0,0)(0,0)(0,0)(0,0

Mojsayomopä anhmakyuyis yyoskuy

- Wakja tumä pän u yomo wa' minu anhmakyutyäjkomo wa' tzyamjayaju te unetam tumä peka tzame.
- Yajk kä'matonhya te tzame, jäsi'ka yajk tzamya tiyä nyäktäyaju te myanyajupä tzame.
- Yajk jaya tyotojayekäsi päyitampä jaye yosyajpamäy te tzame jutä ijtyajpa titam.
- ► Yajk ne'ksa no'tzekäsi te tyoto jayupä wa' musu tyu'nya mumutam.

Tujtayomopä anhmakyuyis yyoskuy

Muspa yajk tzäkya yä'syejpä yoskuy. Yajk isya oyek te tzäkitam, yajk tzäkya päyitampä jaye tumtumä tzäki'anh'i.

















ljtyajpamäy: Onkutyamte, tzya'manhwajpapä'is jutä mpa'tpa yempe tiyä.

Tiyä muspa ntzäjkanhä:

- Muspa nämanhu unetam tumä täjkomo wa' kyenyaju jutä ijtyajpa titam.
- Te'syetike muspa näpujtu anhko'omo wa' isyaju, kotzäk, kama, wakas u eyatampäti, yajk tzamya jutä ijtyaju tumtumä te'syetijke yajk jaya tyotojayekäsi.
- Tza'manhwaja jutä tzä'pya jaye'omo te tzame nä 'yanhmayupä.

IJTYAJUSE

ljtyajuse: Onkutye, tzyampapä'is tise mpa'tpa titam.

Tiyä suntampa: Wa' une'is myusya ispäkyä, pya'tya winanhomopä ontantäjk, tzyampapä'is jutz ijtyajpa, päntam, kujtya'm te'syetike kopäntam.

Nä tzyäkyajuk yoskujayetam te unetam maka 'yanhmaye:

- Tise wa' yajk yose yä'tampä tzame.
- Tise, jutä maka yajk yose te tzametam jyayokyuyomo.
- Wa' ispäjku yempeti jaye'omo te'syetike wewenekyuyomo.
- Wa' syun'anhäyu nye' 'yote, wa' yajk yosu yempe jutä.

Winanhomopä anhmakyuyis yyoskuy

Muspa ntzäjku yä'setampä tzäki, wa' kyenyaju oyek te nhka'etam jäsi'ka yajk tzamya jutz ijtu tumtumä tzäki.



Metza'omopä anhmakyuyis yyoskuy

Yajk'ko'sa te unetam yä'sepä tzäki te'syetijke kä'anhwakjaya jutz nyäktäyajpa.



Muspa mjayu mäjapä toto'omo kä'yi ijtupä wane wa' musu tyu'nya mumupä'is te'syetijke jäsi'ka yajk wanya.



Tukayomopä anhmakyuyis yyoskuy

- Kä'anhwakya unetam uka yajk tzä'yaju te wane te'syetijke tiyä nyäktäyaju.
- Yajk tzäkya wyin'jinh tise ijtyajpa wempeti.
- Yajk tu'nwätzäkya wane'is jyaye, yajk isya oyek te tzametam tzyampapä'is jutz ijtyajpa titam te'syetijke yajk jatzyä'ya tyotojayekäsi.
- Muspa nämaku te nhka'etam tumä täjkomo wa' kyo'syaju jutz ijtyaju titam.
- Wituyaju'ka yajk tzäkya päyitanpä jaye jutä yajk yosyajpa te tzame jutz ijtyajpa titam.
- Yajk neksya no'tzekäsi te jyayetam te'syetijke yajk tu'nya tumtumä.
- Tza'manhwaja ke wyinanh'omopä ontantäjk te'te yajk muspa ti'i kenepä tzamete.

Majksykuyomopä anhmakyuyis yyoskuy

Muspa ntzi'u te unetam yä'sejpä yoskujyaye. Yajk kena oye te tzäkitam te'syetijke yajk tzäkya tumtumä'is jyaye.


















Mojsayomopä anhmakyuyis yyoskuy

Muspa yajk tzäkya yä'syetampä yoskuy. Yajk ta'nya yä'ki ijtyajupä jayetam:



Tujtayomopä anhmakyuyis yyoskuy

Muspa ntzi'anhäyu yä'sejpä yoskuy. Yajk kenya sunyi te tzäkitam jäsika yajk jayja jutz ijtyaju tumtumä tzäki.













Ijtyajuse: Onkutye, tzyampapä'is tise ijtyajpa päntam, kopäntam te'syetijke kujtyam.

Tiyä muspa ntzäjkanhä:

- Yajk tzäkya sonekenetampä jaye nyämanhpamä te eya'eyatampä jaye tzyampapä'is jutz ijtyajpa mumuti.
- Tumtumä une yajk tu'nya jyaye tzyäjkupä'is, yajk tzäjkisä jutzte tzä'pya wa' kyenyaju eyatampä tyäwä.
- Yajk kyä'anhwa'kya tyäjkomotam eyatampä tzame tzyampapä'is jutz ijtyajpa mumuti.
- Tza'manhwaja oyek jutitampä otowe tzyampa jutz ijtyajpa mumuti.
- Tza'mjaya unetam ke jene oye u jene wä' wa' 'yanhmayaju jutz wa' jyayaju nye'tam tzyame te'syetike wa' tzyamtzamnayaju yempejute ijtyajpak.

TZÄKTÄJKUTZYAME WYITNKÄSI'AJPAPÄ

Tzäktäjkutzyame wyltnkäsi'ajpapä: Onkutye; tzyampapä'is tzäktäjkuy tzamtzamnakyuy'omo te'syetijke jaye'omo.

Tiyä suntampa: Wa' te une'is musu yajk yosa te tzäktäjkutzyame wyitnkäsi'ajyajpapä, te eyapäkäsi'ajyajpapä, wa' musu pya'tu iwäte tzyäkpa ti'iwä, tzotzpak nä'ontäkjayejinh te'syetike ontäkjayejinh.

Nä tzyäjkuk te yoskujayetam une'is maka 'yanhmaye:

- Jutitampä tzame tzäktäjkutzyamete.
- Ispäjkya yempetipä jaye'omo te'syetike tzamtzamnakyuyomo.
- Is jujtzyek tzyäkpa ti'iyä.
- Tise wa' yajk yosu te jaye'omo te'syetike wewenekyuyomo.
- Jutz wa' ispäiku vempejutä jaye'omo te'syetike tzamtzamnakyuyomo.

Wi'nanhomopä anhmakyuyis yyoskuy

- Kä'anhwa'kya unetam jutipä tzame nyäjayajpa tzäktäjkutzyame.
- Jayä mäjapä toto'omo, yajk tu'nya.
- Yajk weweneya tumtumä tzäktäjkutzyamekäsi, tise, jujtzyenh tujkpa.
- Kopiwä tumä tzäktäjkutzyame wyitnkäsi'ajpapä, tzamanhwaja ke te'te makate anhmaye.
- Tza'manhwaja mäjapä jaye'omo jutitampä tzäktäjkutzame'omo wyitnkäsi'ajpa te'syetike yajk tzäkya sonekenepä jaye.

Metza'omopä anhmakyuyis yyoskuy

Mäjapä toto'omo tzäkja yä' tzäkitam wa' kyo'syaju oyek, jäsi'ka yajk tzamya tiyä nyäktäyajpa.



Tukayomopä anhmakyuyis yyoskuy

Jayä mäjapä toto'omo yä'ki ijtupä jaye wa' tyu'nyaju unetam, jäsi'ka yajk tzamya tiyä nyäktäyajpa.





Tumtum jama tujkpä'uka te yoskuy anhmakyutyäjk'omo, anhmayoye'is tzyampa tiyä maka tzyäki tumtumä une. Metza unetam pejtyajpa, metza nä'päkyajpa, eyatampä'is pinhyajpa putzi, a'nhne'kyajpa te pokskutyam, te anhmayoye'is kotzonhpa wa' sunyi tzyä'yu te anhmakyutäjk, wa'tyä witu'u namtzu eyakojama.

Majksykuyomopä anhmakyuyis yyoskuy

- Kä'anhwakya unetam tiyä nyäktäyaju tu'nkuyisnye'.
- Yajk tu'nwätzäkya te jaye, tzamja te'yite ma pya'tyaju te tzäktäjkutzyame te'syetijke yajk jatzyä'ya tyotojayekäsitam.
- ► Yajk tzäkya yoskujaye jutä yajk kejyajpamä iwä's, jujtzyek tzyäkpa.

Isätim yä'se

Nä kyätäjkupäti

Äj wijtpa'äj Äjtzi wijtpatzi
Mij nhwijtpa mij Mijtzi nhwyitpa
Nye'kä wijtpa Te'e wijtpa
Täj wijtampatäj Äjtziyumu wijtyajpa'tzi
Tä wijtampatä Äjtzitam wijtampa


Mijtam nwyijtampamij Mijtzitam nhwyijtampa

Nye'kätam wijtyajpa Te'yumu wijtyajpa

100 Mojsis

Mojsayomopä anhmakyuyis yyoskuy

Tzamanhwajaya unetam wa' jyayaju tzäktäjkutzyame yäti nä kyätäjkupäti.



Tujtayomopä anhmakyuyis yyoskuy

Yajk Ketnya tzäkitam, jäsi'ka yajk jayä tise kyenyajpa, ti tzäjkyajpa.










Kuyayomopä anhmakyuyis yyoskuy

Muspa tzamjayu unetam wa' pyujtyaju anhkomo, yajk mäjtzäya, yajk tzäkya sonekenetampä tzäktäjkuy, wa' wyanyaju, syikyaju, jyäyaju, tumtumä une yajk tzäkya yä'sepäti, tzyäjku'ka, kä'anhwakya jutz tzyamyajpa kätupä'a ti'omo, nä tyujkupä ti'omo, te'syetike makapäma tuki.

Yajk tzäkya mäjapä toto'omo te yoskujyaye jutä yajk kejyajpa kätupäti.



Tzäktäjkutzyame wyitnkäsi'ajpapä: Tzäktäjkutye tzyampapä'is wewenäkyuyomo, jaye'omo, wyinte nyäyospa. Tzyo'tzkuy'omo, kyo'yajkuy'omo nyäjayajpapä nyätunhajpapä eyapä jaye.

Tiyä muspa ntzäjk'anhä:

- Muspa yajk mäjtzäya te unetam, tey yajk kejyajpa te tzäktäjkutzyame wyitnkäsi'ajpapä, te'setike wane'omo.
- Yajk tu'mäya maksykumaksyku te nhka'etam, yomo'unetam jäsi'ka tzi'ya mäjatampä toto wa' te'käsi jyayaju te tzäktäjkutzyame, sonekenetampä te'syetijke yajk tu'nya mumu'ojmotam.

TZÄKTÄJKUTZYAME EYAPÄKÄSI'AJPAPÄ

Tiyä suntampa: Wa' te une 'yanhmayu tipäte te tzäktäjkutzyame eyapäkäsi'ajpapä. Wa musu yajk yosa jyaye'omo te'syetijke tyu'nkuyomo.

Nä tzyäjkuk te yoskujayetam une'is manhpa 'yanhmayu:

- Jutz wa' yajk yosu te tzäktäjkutzyame yempetipä jaye'omo te'syetike tzamtzamnakyu'omo.
- Maka musi ispäjkya te tzäktäjkutzyame eyapäkäsi'ajpapä yempetipä jaye te'syetijke wewenwkyuyomo.

Wi'nanhomopä anhmakyuyis yyoskuy

Mäjapä toto'omo tzäkja kä'mäk ijtusepä tzäki wa' isyaju te unetam te'syetike kä'anhwa'kya tiyä nyäktäyajpa.



Metza'omopä anhmakyuyis yyoskuy

Yajk tu'nya te jaye kä'mäk ijtupä te'syetijke jäsika yajk wewenäya jutz nyä'ktäyajpa.





Tumtum jama te yomo'une Rosa, sa'pa namtzu, kyotzonhpa nyana tzyäkyajpa te ukwinsa'ku, nyä'ijtu'nmäjkä tukay myuki, metza 'yatzitam.

Tzyäjkukä pi'kokyuy manhpa anhmakyutyäjkomo, sunyi anhmapya, sa'sa

anhmakyutyäjkomo jyotzpa myuki, wa' musu pi'koya nyana, jasi'ka tzinhpa,

tzyäkpa jyaye, eyatampä yoskuy tzyi'papä' anhmayoye'is. Pujtpak

tzyäjkpa anhmayoye'is tzyakjapyapä yoskuy. Rosa yospapä yomo'unete.

Tukayomopä anhmakyuyis yyoskuy

- Muspa nkä'anwa'kya tiyä nyäktäyaju te tyu'nyajupä jaye.
- Yajk tzamya jutitampä tzame tzäktäjkutzyamete.
- Yajk tzäkya päyitampä jaye tyotojayekäsi jutä yajk yosyajpa te tzyäktäjkutzyame eyapäkäsi'ajpapä.
- Yajk tu'mäya tuka'tukatyam te unetam wa' tzyäkyaju mäjapä toto'omo päyitampä jaye, jäsi'ka yajk tu'nya mumu'ojmotam.
- Tza'manhwaja jutzte te tzäktäjkutzyame eyapäkäsi'ajpapä.
- Tza'manhwaja oyek wa sunyi nyäktäya, yajk tzäkya jaye kä'mäk ijtupäse.

isätim yäse:

Äjn tzäjku'äs tumä täk
Mis ntzäjkumis tumä täk
Nye'kä tzyäjku tumä täk
Tä ntzäktamutä tumä täk
Tä'stam ntzäktamutäs tumä täk
Mistam mtzäktamumis tumä täk
Nye'kätam tzyäkyäju tumä täk

Äjt ntzäjku't tumä täk
Mijt ntzäjku tumä täk
Te'is tzyäjku tumä täk
Äjtam ntzäjkta tumä täk
Äjtyumu ntzäkyajut tumä täk
Mijtam mtzäjta tumä täk
Te'isyumu tzyäkyaju tumä täjk

Majksykuyomopä anhmakyuyis yyoskuy

Yajk kenya unetam te tzäki, yajk jaya tise nyäktayajpa.





Mojsayomopä anhmakyuyis yyoskuy

Yajk kenya yä' tzäkitam te unetam te'syetike yajk tzäkya päyitampä jaye.













Tzäktäjkutzyame eyapäkäsi'ajpapä: Tzäktäjkutzyamete tujkpapä eyapakäsi, yempetikäsi.

Tiyä muspa ntzäjkanhä:

- Muspa yajk tzäkya unetam sonekenetampä tzäjkokyuy jutä yajk kejyajpa te tzäktäjkutzyame eyapäkäsi'ajpapä.
- Jäsi'ka yajk tzäkya sonekenetampä yoskuy tyotojayekäsi wa' yajk tzyä'yaju sunyi te anhmakyuy.
- Te yoskutyam muspa tzyäkya natyumä te'syetike tyäwäjinhtam.

NÄ'EYA'AJOYE

Nä'eya'ajoye: Onkutye nyatunhapapä'is tise kakpäyajpapä'is te tzäktäjkutzyame te kenekotzamkuy.

Tiyä suntampa: Wa' 'yanhmayaju une'istam te nä'eya'ajoye jujtzye maka juka wiyunhsesepä u ji'n wiyunhsesepäti, jaye'omo te'syetijke tzamtzamnakyuy'omo.

Nä tzyäkyajuk te yoskujayetam te une'is maka 'yanhmaye:

- Jutä wa' yajk yosya te nä'eya'ajoyetam jä'apä te'syetijke ji'nepä.
- Maka mye'tze maka pya'tye nä'eya'ajoyetam.

Winanhomopä anhmakyuyis yyoskuy

Jäsi'ka mäjapä toto'omo muspa mtzäkja kä'mäksepa ijtupä tzäki, wa' isyaju unetamis, yajk tzamya tiyä nyäktäyajpa, kipsyajpa.



Metza'omopä anhmakyuyis yyoskuy

Japyutä mäjapä totokäsi te kä'mäk ijtyajupä jayetam wa' tyu'nyaju unetamis te'syetijke yajk tzamya tiyä nyäktäyajpa.

Une'istam tzyamtzamnakyuy.



Äjn ntzäjku'äj te yoskuy tzyajkupä te anhmayoye'is.



Äj ja'n tzyäkäti'äj te yoskuy.



Minä yä'ki maka mäjtzätyame.



Jä'ä minpa äj uka nhkotzonhpamis'äj, wa'tä ntzäjku te yoskuy.



Jä'ä manhpa'smij nhkotzonhu uka wina mäjtzätyampatä.



Ja'ne wina ntzäktampa te yoskuy, jäsi'ka mäjtzätyampatä.




Manhtampatä mis ntäjkojmo, te'syetijke te'yi tzäkpatä te yoskuy jäsi'ka mäjtzätyampatä.

Tukayomopä anhmakyuyis yyoskuy

- Yajk tu'mäya unetam maksykuymaksykuytyam wa' weweneyaju tiyä nyäktäyajpa tyu'nyajupä jaye'omo.
- Yajk tzamya jutä ijtyaju jaye nä'eya'ajoye tzyampapä ya'sepä; jä'ä, ji'ne.
- Jäsi'ka yajk tzäkya tyotojayekäsi päyitampä jaye nyämanhpamäy nä'eya'ajoye.
- Yajk kätäkya winanh'omo wa' tyu'nyaju te tzyäkyajupä jaye.
- Muspa mjayu mäjapä totokäsi, une'istam tzyamyajpapäti wa' mumu unetam musu tyu'nya.
- Yajk tzamya tumtumä une tumä tzame jutä yajk kejyajpa te nä'eya'ajoye.
- Jäsi'ka yajk tzäkya tyotojayekäsi.

Majksykuyomopä anhmakyuyis yyoskuy

Muspa ntzamjaya unetam wa' jyayaju yä'ki tumä wewenekyuy jutä yajk yosyajpa te nä'eya'ajoye.



Mojsayomopä anhmakyuyis yyoskuy

Muspa mtzamjayu te nhka'etam wa' yajk ta'nya te jayetam.

Juanh'is	syuni myäjtzäyu.
	oyara 111yajizaya.
	manhpa'äj mijinh.
Maria'is	syuni tyu'nu tyotoyaje
	näminja'äs mpama.
Martha'is	pya'te myätzik.

Nä'eya'ajoye: Onkutye tzyampapä'is tise kakpäyajpa te tzäktäjkutzyame'is tzyampapäti.

Tlyä muspa ntzäjkanhä:

- Yajk tzamya unetam te nä'eya'ajoye.
- Yajk mäjtzäya, te'omo maka pyuti te tzame nä'eya'ajoye.
- Yajk tzäkya päyitampä jaye nyämakapä'is jä'a te'syetijke jine.
- Tza'manhwaja sunyi te nä'eya'ajoyetam, jutä yospa: jine, jä'a.

KOJTANHÄYITAM

JUTZ TZYAMYAJPA EYA'EYAPÄ KUMKU'YOMO TE'SYETIJKE JOMETAMPÄ ONKUY


Yä'ki nhjatyäjkäyajut jutz tzyamyajpa eya'eyapäkumkuyomo wa' myusyaju anhmayoye'istam, une'istam te'syetijke mumu tyu'nyajpapä'is te totojaye.

KÄNÄ'MÄ	POKYÄ'MÄ	AWAYOMO	KUYATEMÄ	
anhkoka'psäyi	anhkoka'psäyi			entre paréntesis
anhmakyu'yis yoskuy				ejercicio
isä	kena	a'mä		vea, observe
jakyuyanhki'mkuy				reglas de escritura
kipsanhwajkuy	ki'psanhwajkuy			reflexión
kojtanhäkyuy	kojta'nhäkyuy	kojta'nhäyi	kojtanhäyi	agregar
maka	manhpa	7		se va
näyi	näy	näyi	näyi	sustantivo o nombre
nye'omojktam	nye'ojmotam			entre ellos
ote	tzuni	ore	ote	lengua zoque
ote	tzame	ore	ote	palabra
paknti				mero
patan	po'os	paranh	pataja	guayaba
patkumyä	patkumyä	-)	índice
pitzi	pitzi	äjksisose	tzajam	nixtamal
tepa'ka	jäsa'ka	jäsi'ka	jäsi'ka	después
te'setijke	te'syetijke	te'setike	jetzetike	así también
tikuta	tikotoya	tikoroya	tikotoya	porqué o para qué
tzapntäjkäkyuy	tzamtäjkäkyuy	tzaptäjkäkyuy		introducción
tzyina	naranjas	tzyina	po's	naranja
wäwä	anhpate		wäti	mucho
wewenekyuy	tzamtzamnakyuy			comentar
yajk ke'tnhkuy	yajk kennhkuy			presentación
wempe	titamis nyäyi	yempetipä näyi	yempetipä näyi	nombre común
yuskutatzi'kuy	yäskotoyatzi'kuy	yuskuroyatzi'kuy		agradecimiento

Te'syejtijke te jometampä onnhkuy:

anhmakyumusokyuy			criterios pedagógicos
jakyu'yanhki'mkuy			reglas de escritura
kenekotzapnhkuy	kenekotzamkuy		adjetivo
kipsanhwajkuy	ki'psanhwajkuy		reflexión
kojta'nhäyitam			anexo
konäyi'ajkuy			pronombre
mäjajaye			mayúscula
namajaye			minúscula
ma'yotyäjk			número cardinal
nenhejaye			alfabeto
nenhenäma'yotyäjk			número ordina
onnhku'yis nyäyitam			categoría gramatical
ontäjkjaye			consonante
otemusokyu'yis ki'psokyuy			criterios lingüísticos
ti mjo'kpa yäʻ yoskujyayepik	tiyä mjo'kpa yä' yoskuyjayejinh	ti mjo'kpa yä' yoskujyayejinh	propósito
ti'omo maka yajk yosye	ti'omo maka yaj yosyaju		enfoque
titam nyä'ijtu yoskuyjyaye'is	titam nyä'ijtu yoskuyjyaye'is		mapa de contenido
tzäjk'eya'ajoye			adverbio
tzäktäjkutzyame			verbo
tzu'nnhkäy	tzu'nhkä		glotal
winnhkene	7.	kene	foto
wintipä anhmakyuy		witntipä anhmakyuy	primer ciclo
yosyajupä yä' totoyaje'omo		50 10	bibliografía

JUTA TZAMTAJPA NE' OTETAM



Clave	Municipio	Clave	Municipio	
005	Amatán	060	Ocotepec	
012	Berriozábal	061	Ocozocoautla de Espinosa	
018	Coapilla	062	Ostuacán	
021	Copainalá	067	Pantepec	
025	Chapultenango	073	Rayón	
029	Chicoasén	084	Solosuchiapa	
033	Francisco León	090	Tapalapa	
042	Ixhuatán	091	Tapilula	
043	Ixtacomitán	092	Tecpatán	
047	Jitotol	100	Tuxtla Gutiérrez	

YAJK YOSYAJUPÄT TOTOTUNTÄJK YÄ TOTOJAKYUYOMO.

- C.D.I. 2003. Convenio 169 de la OIT, sobre pueblos indígenas y tribales en países independientes. México, D.F.
- DGEI. 2006. Parámetros curriculares. Educación básica. México, D. F.
- García, Matzar, Pedro Oscar, et. al. Primera edición 1993. Gramática del Idioma Kagchikel. Edit. Proyecto Lingüístico Francisco Marroquín. Guatemala C.A.
- Harrison W. Roy, García H. Cástulo. 1981. Diccionario Español-Zoque y Zoque-español, de Copainalo", Chiapas. Instituto Lingüístico de Verano, México D. F.
- Hernández Hernández Adriana M. v Núñez Sánchez María Silvia. 2007. Otekøme'tzkutzyame. Versión ampliada. Secretaría de Educación. Tuxtla Gutiérrez, Chiapas; México.
- Hernández Hernández Adriana, et. al. 1999. Otetza'ma riwajkuv. Servicios Educativos para Chiapas. Tuxtla Gutiérrez, Chiapas; México.
- INALI. 2003. Ley general de los derechos lingüísticos de los pueblos indígenas. México, D.F.
- Lerner Delia. 2003. Leer y escribir en la escuela; lo real, lo posible y lo necesario. Biblioteca para la actualización del maestro. México, D.F.
- SEP, 2000. *Programas de estudio Español*. Educación primaria. México, D. F.
- González Álvarez, Wilfrido, et. al. 1999. Gramática de la lengua Zoque. Dirección de Educación Indígena. Tuxtla Gutiérrez, Chiapas.
- Zimmermann, Klaus. 1999. Política del lenguaje y planificación para los pueblos amerindios: Ensayos de ecología lingüística. Universidad de Bremen, Madrid.



Se terminó de imprimir en Talleres Gráficos de México, Av. Canal del Norte No. 80, Col. Felipe Pescador, Del. Cuauhtémoc, C.P. 06280, México, D.F., en noviembre de 2013 con un tiro de 1000 ejemplares. En esta edición se utilizó papel bond de 90g para los interiores y cartulina couché brillante de 250 g para los forros. Diseño de portada Lidia Alejandra Del Río.